

Ikiaroorntup cannabis-ip inerteqqutaajunnaarsinneqarpat pitsaaqutai aammalu ajoqutai misissuiffigineqarnissaat siunertaralugu Naalakkersuisut nassuiaammik suliaqaqqullugit Inatsisartut aalajangiiffigisassaattut siunnersuut. Nassuiaat cannabis-ip qanoq inerteqqutaajunnaarsinneqarsinnaanera aammalu qanoq tuniniarsinnaaneraniq imaqaassaaq kingusinnerpaamillu ukiakkut 2024-imi Inatsartunut tunniunneqassaaq.
(Inatsisartunut ilaasortaqaq Kristian Jeremiassen, Inuit Ataqatigiit)

Oqaaseqaat:

Siunnersuuteqartumut qujalluta Siumumiit imaattumik oqaaseqassaagut.

Ikiaroorntup ullumikkut atugaanera massakkutut atugarineqartoq nunatsinni aammalu nunatsinnut ajornartorsiutaanera apeqquusersorneqarsinnaanngilaq. Anngiortumik eqqussuinerup taassumalu inatsisitigut unioqqutitsilluni inuunermik aqqqussuussisimaneq, nunaqqatittalu inuunerup taamaattup attakkunnaarnissaanut aqqutissiuussisariaqalerpugut. Oqallinnerit makku ajornartorsiutigisatsinnik qaqugukkulluunnit peqqinnartuupput isummerfigissallugit.

Siunnersuuteqartup ullumikkut atugaasup ikiaroorntup maqitap ajornartorsiutaanera aallaavigivaa. Tamanna isumaqatigivarput, taamaattorli isumaqarput ikiaroorntoq pillugu misissuisoqassappat ullumikkut ikiaroorntup anngiortumik eqqussugaasup atorineqartullu akuisa misissuinermut ilanngutinngitsoorneqarsinnaanngitsoq.

Siunnersuuteqartup aallaavigereertutut ilillugu Cannabis-ip inerteqqutaajunnaarsinniarlugu tuniniarnissaalu siunertarilereerlugu anguniagaqartoq paasinarpoq. Tassani Siumut isumaqataanngilaq, alloriarnerit tulleriit tigoqqaartariaqarput inerteqqutaaginnaartinnissaa tuniniaanissamillu siunertaqarnermut tikitsigata.

Siullermik ullumikkut atugaasoq qimassagutsigu paaseqqaartariaqarparput ullumikkut atugaasup akui soppiaanersut. Toqqammavissarigatsigit sooq qimattariaqarnerneripput, soorlu allannguisariaqalernersugut. Assersuutigalugu Canadami naggueqatigut Cannabisimik inerteqqutaajunnaarsitsisimanerat qanoq misillitagaqarfigineqarnersoq paasiniassallugu soqutiginartutut Siumumiit isigaarput.

Taamaammallu Naalakkersuisut akissuteqaatiminni misissuinissamut ammanerat tigulluarparput, taamaalilluta sunarpiqaq pineqarnersoq ilisimasaqarfiginerullugu oqaloqatigiinnerput ingerlasinnaaniassammat.

Tassannga aallaaveqarluta Cannabis periarfissaanersooq eqqartussagutsigu, Cannabis-ip pitsaaqutai ajoqutaalu misissorneqarlualutik saqqummiunneqarnissaanit pisariaqartitsineq taperserparput.

Hans Peter Poulsen, Siumut